

隨衆朝拜採訪真君所帶倭將紙錢就殿下
 焚化所荏者慮其燒壞瓦石遂止之劉氏陞
 殿喧喊欲奮拳相撲忽殿中燈燭昏暗須臾
 若有神人擊劉下殿旋轉三匝頃絕在地流
 血被面衆拜告真君乞持赦罪移時復甦扶
 護回歸至新橋又復暈倒自云採訪六丁神
 何苦責我之甚如醉而歸離家一里而卒聞
 其家云三日前曾食厭物所以神靈責罰由
 是來朝拜者益加尊敬
 ○廬山太平興國官採訪真君事實卷之七

正一法文經護國醮海品 階一
 太上告仙人巨子明曰將來國主帝王有國
 土不安星宿錯度日月失昏陰陽不調兵革
 四起疫毒流行兆民死傷汝等徒衆宜加救
 護禳災請福滅障消殃宜設河圖普告大醮
 以謝三十二天三十二帝日月星宿璇璣玉
 衡三十六地名山大川仙官洞府土地真官
 可用飲食餅果千二百盤金龍環壁本命紋
 繒五方鎮錄金錢鎮銷幡香燈燭仙官神座
 章信紙筆書刀事事潔淨罄竭丹誠奏上章
 表悔謝愆負祈請福恩鎮信之物天子用疋
 諸侯用丈庶人用尺亦可三百六十盤亦可
 二百四十盤可令精勤道士一十二人亦可
 九人亦可三人沐浴清淨燒香潔服齋戒吉
 日登壇啓告遍謝事訖即以醮座金龍環壁
 青紙青絲銀板籌筭散詣名山大川章醮投
 告可用飲食餅果三十六盤亦可二十四盤
 其本命紋繒五方鎮錄金錢繒銷香油燈燭
 紙筆神座之具事事降減元數羅列敷陳以
 告洞府仙官具陳丹款請福禳災投於清冷

之淵山洞之所保延國祚記上仙名其銀板
 題文當如靈寶簡式藏投深山深水勿使漏
 洩密則福降降則禍臻長淪幽夜終不蒙祐
 太上重告子明曰夫學仙道士宜篤志勤苦
 爲國立功救護蒼生先物後己章醮錢錄座
 席散造功德捨施貧窮營建靜舍燒香然燈
 念濟一切放生度死功滿三千白曰昇天是
 時巨子明等首體投地同聲稱善作禮而退
 天師君曰自淳風漸薄僥倖競生道德不行
 百災俱起能令國土不安居家虛耗妖怪互
 出疫疾流行生事輒軻動遭凶禍或彈官黜
 職祿位不進貴賤怨憎誇毀凌辱或偷盜劫
 掠驚動內外國失土境民喪錢財恐放縱橫
 民人死叛或兒孫反亂門戶不昌所作違心
 舉動不利若有此災皆宜醮祀龍神或海龍
 江龍河水宅龍任意祀之
 醮法須清淨諸果實隨時所珍每令芳香當
 用吉日三年爲之國安民豐家內富溢米穀
 盈倉九年爲之金帛自積所向果從此法神
 驗道不欺人

其鎮座用金銀珍寶繒線錦衣著座上龍神衣之金龍五枚各重一兩本命紋繒天子用天紫紋王公用命紋五方鎮線隨方色東九南三西北五中十二座絳紋三丈五尺天子三百五十尺此物以為法信

東海水帝神王頭建大晨寶明之冠衣青文翠羽飛裙帶青靈九色獅子虎頭髻囊以立春春分日乘碧輦飛龍上詣高皇玉帝削罪簡注仙錄列奏上清玉皇帝前

南海水帝神王頭建大晨寶明之冠衣赤錦文裙帶丹靈縹緞三色髻囊常以立夏夏至之日乘蛟龍飛行雲輿上詣高皇玉帝削罪簡注仙錄列奏上清玉皇帝前

西海水帝神王頭建大晨寶明之冠衣素錦飛裙帶素靈命神之章九色獅子虎頭髻囊常以立秋秋分之日乘素霞飛輿上詣高皇玉帝削罪簡注仙錄列奏上清玉皇帝前

北海水帝神王頭建大晨寶明之冠衣黑錦飛裙帶豁落七元五色獅子虎頭髻囊常以立冬冬至之日乘黑霞飛輿上詣高皇玉帝

削罪簡注仙錄列奏上清玉皇帝前

凡醮海神法常隨四時上天日醮之又以正月十五日七月十五日十月十五日率言上天三官功過罪福生死簡簿應生者言左官應仙者言中官應死者言右官謫役長徒大小劫會水中萬靈之事隨所由列言上下相應若有考炁未正者皆申三會考正又言天地水三官

次存神
應若有考炁未正者皆申三會考正又言天地水三官

次鳴天鼓
次發鑪

太上玄元五靈老君當召功曹使者左右龍虎君捧香使者三氣正神急上關落三天太上玄元道君_臣等正爾燒香設醮速達運御帝前_{再拜}

次稱法位
泰仙都正一平炁係天師_臣普治惡道士_{小兆}男官_臣某甲稽首再拜

謹奉請東方高上九玄玉虛帝皇泰清玄元上三天无極大道太上老君諸君丈人湯谷

王女扶桑大帝君天帝君中央黃老君九老仙都君九炁丈人太清玉陛下上清太真玉寶王上相東海玉門東華小童君高仙萬聖玄極天尊_{再拜}

謹奉請東海神阿明何歸君_{再拜}

謹奉請南海神祝食劉翳君_{再拜}

謹奉請西海神乘李口瀨君_{再拜}

謹奉請北海神禹強吳禽強君_{再拜}

謹奉請湯谷青華方諸宮水帝神仙靈官諸龍王

謹奉請青靈南水會宮水帝神仙靈官諸龍王

謹奉請北都羅鄴宮神仙諸靈官諸龍王

謹奉請碧海三神仙蓬萊方丈瀛洲水帝諸官神仙靈官諸龍王

謹奉請五方龍神君

謹奉請五方龍王

謹奉請五方龍王丈人

謹奉請東方青帝青龍神王君

謹奉請南方赤帝赤龍神王君

謹奉請西方白帝白龍神王君

謹奉請北方黑帝黑龍神王君

謹奉請中央黃帝黃龍神王君

謹奉請天上飛龍神君

謹奉請地下伏龍神君

謹奉請日月神龍神君

謹奉請星宿神龍神君

謹奉請雲龍雨龍神君

謹奉請五嶽靈山丘阜一切神龍君

謹奉請守護國土宮殿府庫龍神君

謹奉請三河九江四海四瀆洞源洞淵清冷

千川萬谷十二淮津河伯河侯四方八極水

帝水府一切龍神君並各嚴裝具冠降席臨

饗弄拜

臣某謹上啓東海小童君海內諸宮神仙靈

官水帝水府一切官屬諸龍神王神君等臣幸

籍宿慶運生人品忝染道流情希拯濟思欲

佐國扶命救度蒼生不勝戰越今有詞誠謹

當宣奏

次讀詞

謹按詞文深誠丹禱既承憑仰不敢寢默伏

惟皇上寸心所寄志在早宮薄食子育黎民荷

天重任願行道德思欲誕敷

皇化治合無為三省九思保安

宗社大同天下以副朕懷憑仰海神龍王曲

就熙禮垂慈臨饗集福邦家謹具啓

聞臣某弄拜

次上香

臣某謹重上啓海神龍王水帝水府一切官

屬乞降神明之大慈感應蒼生之請願恩流

有識澤及無心衷祐丹誠冥福加助使

皇帝神威被達謀謨日明洞察幽玄晚知前

事凡有祈願莫不遂情乞天下安寧兆庶平

泰六合歸化似星迴之仰辰極萬國來王若

川流之赴滄海休兵偃甲放馬息牛子育黎

民不嚴而治修行道德以答洪恩乞天災雲

銷地禍霧散臣忠子孝君惠父慈

皇帝永保乾尊如天不變皇后長居坤重似

地不移皇太子諸王兄弟等並各盤根蒂本

繁茂皇枝萬歲千秋榮華不絕普天率土災

害不生地獄停苦罔圖息訟含靈沾慶一切

蒙福神明慈力所願稱心萬善嘉會荷恩罔

極臣某弄拜

次上香

臣某等上啓東海小童君海內諸宮神仙靈

官水帝水府一切官屬諸龍神王神君等

皇帝令請福穰災奉請眾官獻此微醜伏願

大聖玄鑒有如影響辭不再陳言無鄭重禮

謝既周行香已畢雲車玉輿羽蓋上昇畧瀾

易移不敢稽滯下土荒穢不可久停願垂哀

憫曲加洪澤臣某稽首弄拜奉送

次吟送神讚

次上香

次復鑪

香官使者左右龍虎君侍香諸靈官當令此

間醮所自然生金液丹精芝英百靈眾真交

會在此香火案前願臣等學道克獲上仙

皇帝受福天下蒙恩十方仙童玉女侍衛香

煙傳奏所言逕御神前

元始靈寶告水帝則除罪簡上法

靈寶某帝先生某甲年若干歲某月生願神願仙長生不死三元同存九府水帝十二河源江海淮濟冥靈大神乞削罪名上聞九天請詣水府金龍驛傳

太歲某年某月朔如干日子於某國告下

右朱書銀簡上以青紙裹簡青絲纏之金

龍負簡以投三河之淵

次叩齒三通

次發鑪

无上三天云云

次讀簡置案上祝曰

元始五帝上帝高尊十方至真太華靈仙赤文告命無幽不關上御九天請下玉文日月五星北斗七元中告五嶽四方靈山下告河海十二水源九府水帝冥靈大神今日上告萬願開陳請投玉簡乞削罪名千曾萬祖九族種親罪相連染及得某身並蒙前除絕滅種根記名水府言上帝前七祖父母去離八難上登九天衣飾自然某罪釋散萬神咸聞

請以金龍關盟水官請如所陳金龍驛傳

次上香

次復鑪

香官使者云云

元始靈寶告山簡求仙上法

靈寶某帝先生某甲年若干歲某月生命屬

某帝名係某山願神願仙長生度世飛行上

清五嶽真人至神至靈乞削罪籍上名九天

請詣靈山金龍驛傳

太歲某年某月朔如干日子於某嶽告下

右朱書銀簡上以青紙裹簡青絲纏之金

龍負簡以投名山

次上香

次發鑪

无上三天云云

次叩齒九通讀竟祝曰

玄上開明元始監真上帝五老赤書丹文天地本始總領三元攝悉君會催促舉仙高上符命普告十天日月星宿五嶽靈山天下地上冥靈大神監生主錄南上三門關領玉簡

勒名丹篇則除罪書上輔帝臣千曾萬祖九

族種親皆蒙解脫五道八難去離三惡魂升

九天生死開度萬劫長存今日上告萬神啓

聞請以金龍關盟真官請如所告金龍驛傳

次上香

次復鑪

香官使者云云

元始靈寶告宅簡文

靈寶某帝先生某甲年若干歲某月生命係

九天北斗領籍願神願仙長生度世飛行上

清中皇九地戊己黃神土府五帝則除罪錄

勒名太玄請詣中宮投簡記名金鈕自信金

龍驛傳

太歲某年月朔日子於某齋壇中告下

右朱書銀簡青紙裹之青絲纏鈕九隻金

龍一枚埋住中宮悉如上法

次於中庭向王叩齒十二通讀簡竟


祝曰

天開地張九炁分靈三元洞府十方朗清五老上帝開真鎮生丹書赤文元始上精普告

天下九土皇靈今日上告萬仙定名我願神
仙請投玉名上府太皇勅除罪刑奏簡上宮
列簿華清早得飛騰天地同靈九祖種親腐
骸更榮魂升南宮受化仙庭吉日告命萬神
咸聽請以金龍表盟至情請如所告金龍驛
傳


次捻香
次復鎮
香官使者云云
正一法文經護國醮海品

元辰章醮立成曆卷上
壇圖法



階二

元辰章壇四門符



右懸四門上

於黃壇之上若中庭淨地立壇壇方二丈四
尺五方各安香爐懸當方色幡蓋及燈方各
七枚合二十八內方方又七枚其盤中注一
二者是酌酒次第明立勝貼左右異行勿令
迷謬也

章信

鎮壇信錢一千二百文白米一石二斗白素
四十尺算子一百二十枚清油一斗二升青
絲線一百二十尺金人一形金錄一雙書刀
一口紙一百張筆兩管墨一挺淨席一領朱